

# Harropuzkeria sailkapena lapurtzeko zorian

*Garaipen estua Nigeriarentzat partidu osoa aurkariarekin 'jolastu' ondoren*

| D multzoa                         |  | 1                                                           | 0 |
|-----------------------------------|--|-------------------------------------------------------------|---|
| NIGERIA                           |  | BULGARIA                                                    |   |
| Rufai: *                          |  | Zdravkov: **                                                |   |
| Muti: **                          |  | Kixixev: *                                                  |   |
| Uche: *                           |  | Ivanov: *                                                   |   |
| West: *                           |  | Guixev: *                                                   |   |
| Babayaro: **                      |  | Petkov: *                                                   |   |
| Finidi: *                         |  | Iankov: *                                                   |   |
| Oliseh: *                         |  | Hristov: *                                                  |   |
| Okocha: **                        |  | Balakov: *                                                  |   |
| Lawal: *                          |  | Iliev: *                                                    |   |
| Ikpeba: **                        |  | Kostadinov: **                                              |   |
| Amokachi: *                       |  | Stoitxkov: **                                               |   |
| ALDAKETAK                         |  | ALDAKETAK                                                   |   |
| Kanu (69m) *                      |  | Borimirov (46m) *                                           |   |
| Amokachiren ordez                 |  | Hristoven ordez                                             |   |
| Yekini (77m) *                    |  | Penev (70m) *                                               |   |
| Ikpebaren ordez                   |  | Ilieven ordez                                               |   |
| Babangida (86m) - Finidiren ordez |  | Batxev (86m) - Iankoven ordez                               |   |
| Epailea: Mario Sanchez (Mexiko)   |  | Txartel horiak: Mutiu, Uche, Okocha, Ikpeba, Kixixev, Iliev |   |
| Golak: 1-0: Ikpebak (27m)         |  |                                                             |   |

Andoni Urbistondo



Bulgariako Krasimir Balakov eta Nigeriako Taribo West atzoko partiduan. Bulgaria berdinketa lortzeko zorian egon zen.

bizpahiru aukera izan zituzten, baina 27. minutua arte ez zuten gola lortu. Ondorengo tartea partiduko onena izan zen. Nigeriak joko bikaina egin zuten, aldea handitzeko aukera bikainekin. lehen zatia amaieran, ordea, Bulgariak berdinketa lortzeko

aukera bi izan zituen, Stoitxkov eta Balakoven bitartez.

Bigarren zatia arraroa izan zen. Nigeriak boladaka jokatu zuen, gogo gutxiarekin. Zenbait unetan harropuzkeriaz ere aritu ziren, aurkari erregate zailegiak eta pase neurtu luzeak egiten

## hitz bitan

**Ikpeba:** Monaco taldeko aurrelariak Bulgariako defentsak erotu zituen nahi izan zuenean.

**Nigeria:** Jokatzeko gogo dutenean Mundialean kalitate gehien duen taldea dela erakutsi zuen atzo.

**Dependentzia:** Stoitxkov eta Kostadinov dira erreferentzi Bulgarian. Besteak ez dute erantzukizuna hartzen.

**Frantziako zaleak:** Kostadinov eta Stoitxkov kaleratu zuten Frantzia EEBB Mundialeko atarian. Atzo txistu egin zieten biei.

saiatuz. Stoitxkov zelai-erdiko nagusitasuna hartu zuen eta taldekideei baloi onak ematen hasi zen. 20. minutuan berdinketa lortzeko zorian egon zen.

41. minutuan Kostadinov langara bota zuen baloia. Hortxe amaitu ziren Bulgariaren indarrak. Zalantza eta ondorio bat utzi zituen atzoko partidua. Zalantza, Nigeria ezinean edo gehiegizko konfiantzarekin aritu zen jakitearen inguruan. Ondorioa, Bulgaria-Espainia partiduan emozioa handia izango dela.

## Sarrerren lapurreta zalantzan jarri du FIFAk

Enpresak ez du lapurturiko sarrera eta kaltetuen zerrenda aurkeztu nahi

PRIME SPORT INTERNATIONAL enpresak 15 mila sarrera eta 3,3 milioi dolarren lapurreta salatu zuen herenegun. FIFAk baimenduriko sarrera banatzaile ofiziala da enpresa hau, baina, gauzak nola diren, FIFAk ezin izan du lortu lapurturiko sarreraren zerrenda, ez eta kaltetuen ere. Prime Sport International enpresaren jarrera hau susmagarritzat jo du FIFAk, nahiz eta oraindik erakundeak iritzi ofizialik eman ez duen. Bruno Tribaulek Mundialeko Antolaketa Batzordeko bozeramaleak atzo esan zuenez, enpresak ezin dizkio zerrenda horiek ukatu FIFari. «Ostegunean eskatu genizkien zerrendak baina ez genuen erantzunik jaso. Enpresa honek, FIFaren banatzaile ofizial guztiek bezala, salgai jarritako sarrera guztien zenbakiak eta eroslearen izenak gordeta izateko obligazioa du», argitu zuen Tribaulek.

Enpresa honen jarrerak susmoak eragin ditu antolatzaileengan. «Enpresa honek esan zuenez lapurturiko sarreraren artean Frantzia eta Saudi Arabiaren arteko partiduko 504 zeuden. Baina eserleku horiek sarrera ofizialak zituzten lagunek bete zituzte la baitzatu dugu. Gainera, ez zen salaketa bat bera ere egon egun horretan».

Tribaulek ez zuen argi eta garbi esan enpresak jarritako salaketa susmagarria denik, baina Antolaketa Batzordeak eta FIFAk kasu honen ikerketa azken muturreraino eramateko asmoa zutela iragarri zuen. «Kaltetu guztiek salaketa jartzea nahiko genuke. Ezin badugu sarreraren zenbakia kontrolatu eta ez badakigu zeintzuk diren kaltetuak, ezin izango dugu ezer egin arazoa konpontzeko».

Antolaketa Batzordeak gertaturikoa argitzeko azken muturreraino iristeko asmoa azaldu du. «Afera honetan kaltetuak ez dira bakarrik partikularrak. Denbora luzez Txapelketa hau antolatzen lan egin duten milaka pertsonen lana dago kolokan, eta hori ezin da onartu», esan zuen Tribaulek.

Prime Sport Internationalen aurkako salaketak Mundiala hasi bezain laster hasi ziren, batez ere Hego Amerikako zaleek jarriak. Poliziak zenbait ikerketa egiten ari da enpresa honen inguruan.

## Kroaziak eskura dauka sailkapena

*Litekeena da partidua 35 gradu daudela jokatzea*

E. Esnaola

BALITEKE Kroaziak ere bere bigarren partiduan lortzea final-zortzirenetarako sailkapena, bera baita faborito nagusia gaur Japoniaren kontrako neurketan. Lehen jardunaldian Jamaikari 3-1 irabazi ostean, kroaziarrek ez dute arazorik nahi Argentinaren aurkako azkeneko partidurako, eta horregatik gaur jo eta ke ariko direla esan dute.

Kroaziako hautatzaileak, Miroslav Blazevicek, oraindik ez daki zelairatzerik izango duen Zvonimir Boban erdilaria, jokalariek min hartu zuelako lehengo astearteko entrenamenduan ezkerreko hanka. Bobanek esan du «arriskatzeko prest» dagoela.

Egunotan egiten ari den beroa da Blazevicen beste kezketakoa bat, partidua gaur eguerdian baita eta litekeena baita 35 gradu izatea orduan.

